

# Are Dios Joinchehjían Mundo

(Génesis 1)

Saho Dios joinchehjían mundo. Dios joinchehjían ngajni co nontte. Jehé joinchehjían cainxin cosa que jí. Ngoixin nontte naxixehe vehe. Nontte are saho vaguiconha na inchin dicon ni jái. Ngajni xonhi cosa vehe cái. Veba nchanho, veba conittjao, veba conotse. Joho Dios vehe. Espiritúe Dios vatto ngatáon jinda.

Co Dios ndačo que zehe xóhi co ovehe xóhi. Dios vicon que ncháó vehe xóhi co Dios conchjéa ná lado coín xóhi co ná lado coín naxixehe. Jehé joinchehjían ttíe co nchanho. Jańá joinchehe Dios saho nchanho. Nchanho mé nchanho saho vehe.

Nchanho yoxin ndačo Dios que zehe čhintto ngayé jinda co ovehe čhintto. Jańá conchjéa Dios jinda. Jinda nói nchehjían nda ttjoi co jinda nontte vehe nda ngatáon nontte. Jańá joinchehe Dios nchanho yoxin.

Nchanho nixin Dios ndačo que cainxin jinda que vehe ngatáon nontte satsji nda nacoa lugar co osacjoi nda. Co ojoincheguinhi nda ndacháon. Co iná lugar vehe nontte xema. Dios vicon que tti jehe joinchehjían ncháó vehe.

Co Dios cjan ndačo que zehe ca ngatáon nontte co ovehe ca que chonda tsé co nttá que chonda ttochjoin co tsé. Jańá joinchehjían Dios nchanho nixin. Co jehe vicon que cainxin ncháó vehe.

Nchanho noxin Dios joinchehjían xóhi. Ná xóhi jye para ixin nchanho, co ná xóhi nchín para ixin ttíe. Xóhi jye dinhi xóhi nchanho co xóhi nchín dinhi xóhi conittjao. Cái jehe joinchehjían conotse. Co Dios vicon que cainxin ncháó vehe.

Co Dios ndačo que zehe copescado co cainxin coxígo que tengangui jinda co sinchehjían va icha coxígo inchin jehe va. Co ovehe va. Co zehe conttóa que tjaganga ngatáon čhintto co sinchehjían va icha va inchin jehe va. Co ovehe va. Jańá joinchehjían Dios nchanho naoxin. Co Dios vicon cainxin tti jehe joinchehjían ncháó vehe.

Nchanho incjaonxin ndačo Dios:

—Zintte ntthi ngatáon nontte cainxin coxígo que čhji ngataha nontte co cainxin coxígo que tengadoho nontte.

Co ovintte va. Dios vicon que cainxin ncháo vehe. Co Dios ndačo:  
—Jánna sinttochjían na chojni inchin jánna pero rrochonda icha nchín joachaxin. Jehé tsetonhe copescado čingui jinda co conttóa que tjanganga ngatáon čhintto co coxígo čhji ngataha nontte co coxígo tengadoho nontte co coxígo tengangui jinda.

Co Dios joinchechjían ná xí co ná nčhí. Co ndačo Dios:

—Ncheconcejihí ra chjan para ixin chojnía ra rrochjequé na ngoixin nontte. Dinttenda ra cainxin cosa que jí ngataha nontte co nchegonda ra cosa cáí. Janha chjaha cainxin ca conixin tsé co cainxin nttá conixin ttochjoin para jaha ra sintte ra.

Co Dios vicon cainxin tti joinchechjían ncháo vehe. Jańá joinchechjían Dios nchanho incjaonxin.

Dios joexin joinchechjían ngajni co nontte co cainxin cosa que jí. Co nchanho yatoxin jehé joinchejogaha.

## **Dios Joinchechjían ná Xí co ná Nčhí**

*(Génesis 2)*

Dios joinchechjían ná xí conixin jinche. Dios vanotte chinttjon xa co jehé ovechon. Xí mé vinhi Adán. Are Dios joexin joinchechjían xí mé, savicáo ngáin ná la huerta co ndache rroguenda la huerta mé. La huerta mé vinhi Edén.

Ngáin la huerta mé Dios joinchechjían cainxin nttattochjoin que chojni ncháo sine. Ngosine la huerta mé vehe yó nttá. Ná nttá vinhi nnta tti sinchechon chojni co zenha na. Co iná nttá vinhi nnta tti sinchegatsoanxin chojni tti jían co tti jianha.

Co Dios ndačo ngáin tattíta:

—Ncháo sintte cainxin ttochjoin que jí. Pero nttattochjoin tti sinchegatsoanxin chojni tti jían co tti jianha, mé nchóe sintteha tto. Čoha sintte tto yá; si jaha sintte tto, seguro ndazenhe.

Co Dios joaho cainxin coxígo que jehé joinchechjían icha saho ngáin tattíta para ixin tattíta rrochjé va nombré va. Co ttimeja tattíta mé chjé cainxin coxígo nombré va. Pero tti xí mé řonhi compañeré vechonda. Dios řaxáon ndačo:

—Nchaoha para ná tattíta johó zehe. Icha jían janha sinttachjían ná compañeré Adán.

Mexinxin Dios rroenhe Adán ná cottačhin. Are tavejoa Adán, Dios

vantsjehe ná nttanttacoin. Co ttimeja cjoejé ntaohe Adán. Dios joinchechjían ná naníta conixin nttanttacoin Adán. Are xingamehe Adán, Dios chjé naníta mé Adán. Are Adán vicon naníta jehe ndačo:

—Naníta jihi joixin de ntaohna co nttalorona.

Mexinxin are ná tattíta tottehe ná naníta, jehe na idintteha na icha tiempo ngáin ndodé na co janné na. Tattíta zecáo čihi co naníta zecáo xixihi co cayói na zintte na nacoa chojni.

Adán co Eva vechondaha na lonttóe na. Adán co Eva vacosoeha na ixin jehe na atto jían na co vařaxáon na joho cosa jían.

## Saho Cosa Nchaoha ngataha Nontte

*(Génesis 3; Isaías 14:12-16; Ezequiel 28:13-19)*

Dios joinchechjían cainxin cosa que jí ngataha nontte co cainxin cosa que jí ngajni. Joinchechjían ángel cái. Angel jeha chojni, mé espíritu.

Osé tiempo vatto tti jianha cjoí ná ángel de Dios. Jehe vaquetonhe cainxin ángel co vinhi Lucero. Dios chjé anto tsje joachaxin nganji jehe. Mexinxin Lucero vařaxáon que jehe atto jían. Vařaxáon que jehe rrochonda icha joachaxin que Dios. Jehe joináo rroquetonhe Dios. Jehe joincheyehe icanxin ángel. Co cáin ni mé vařaxáon na que rrocjehe na cha Dios.

Mexinxin Dios datto gońáo ngáin Lucero co ángel que varroé Lucero. Co Dios joantsjexin na de nttiha ngajni. Jańá Lucero cjan tti jianha co jái jehe tti dinhi Satanás. Co ninchehe řé dinhi na demonio. Co jehe na te na ngataha nontte. Tti jianha co ninchehe řé jehe na espíritu na, co chondaha na nttáo řá chojni.

Tti jianha řaxáon queřén sincheyehe Eva. Jehe cjoí ngáin la huerta cjamanga ná conché co ndačo ngáin tti Eva:

—¿Andačo Dios que jaha ra čhoha sintte ra ttochjoin jí ngáin la huerta jihi?

Eva ndačo ngáin conché:

—Ncháo sine na cáin ttochjoin. Joho ttochjoin jí ngosine la huerta čhoha sine na. Dios ndačo que čhoha rrotse na ttochjoin co čhoha sine na tto ixin nchanho que janha na sine na tto, nchanho mé ndazenhe na.

Conché ndačo va:

—Jaha ra ndazenha ra. Dios nohe si jaha ra sintte ra ttochjoin yá, jaha ra zintte ra inchin Dios ixin jaha ra tsonoha ra tti jían co tti jianha.

Naníta vicon ttochjoin mé, ncháó jí tto para jehe sine tto co ǵaxáon que jehe tsonohe anto tsje cosa isi jehe sine tto. Co ttimeja cončhinji tto co joine tto. Cáí chjé xixihi tto cáí co joine na tto cayói na. Jańá joinchehe na vitticaonha na tti ndačho Dios. Mexinxin chojni cjan na jianha. Are joexin joine na tto, Adán co Eva conohe na que vechondaha na lonttóe na. Mexinxin jehe na cončhinji na chán ca co joinchehjían na lonttóe na.

Are figuiatáon nchanho, Adán co Eva coinhi na jidéa Dios co jehe na tavinttema na toenixin ná nttá. Dios vayé Adán, ndačho:

—¿Ttinó rrihi, jaha, Adán?

Adán ndačho:

—Janha coían rridayahna. Janha ǵáon na ixin chondaha lonttona. Mexinxin tajoarima.

Dios ndačho:

—¿Quensen ndattjo ixin chondaha lonttóa? ¿Aojointte ttochjoin que janha coetonha sintteha?

Adán ndačho:

—Naníta que jaha chjana na de compañerana mé tti chjana ttochjoin co janha joine tto.

Dios ndačho ngáin naníta:

—¿Quehe joinchehe jaha?

Naníta ndačho:

—Conché joincheyana co janha joine tto.

Dios ndačho ngáin conché:

—Jaha joinchehe nchaoha. Jaxon jaha rroǵadonttiji conixin tsé ngataha nontte zacji. Jaha co naníta rroningaconhe chó ra. Cáin chojni naníta co cáin coxigóa jaha rroningaconhe chó. Jaha sinchenihi čhén rotté ná chojni naníta co ná chojni naníta sinchenihi já jaha.

Dios ndačho ngáin naníta:

—Are jaha sincheconcjihi chjan, anto tangui sincheconcjihi xanha. Co xixiha tsetonha xa jaha.

Dios ndačho ngáin tattíta:

—Jaha vitticáon tti ndattjo čhiha co jointte ttochjoin que jehe chjá, are icha saho janha ndattjo que sintteha ttochjoin. Mexinxin nontte izanjoha nontte tsje cosa tti sintte ra inchin are saho. Anto tangui zóan tti sintte ra co zóan canxin ca ngatáon jngui sinchia ca

zhaha. Jaha ra sintte ra canxin ca. Anto tangui zacji ra hasta rrocjan ra jinche jaha ra. Janha jointtachjían jaha conixin jinche co are ndazenhe jinche rrocjan.

Co tttimeja Dios joinchechjían lonttóe na roé coxígo. Dios joinche-  
ngá na lonttóe na co vantsjexin na ngáin la huerta que vinhi Edén para  
jehe na sinchehe na ǵa ngáin nontte naróa. Jehe na iǵhoha vintte na

14

ngáin la huerta. Co Dios nttiha vaquehe canxin ángel nttiha para  
vinttenda na puerté la huerta ixin Dios ijoinaoha cjan Adán co Eva  
ngáin la huerta.

15

# Historias Bíblicas en Popoloca

(Génesis a Deuteronomio)

LA BIBLIOTECA MEXICANA DEL HOGAR, A.C.

primera edición  
Historias Bíblicas en Popoloca  
(Génesis a Deuteronomio)  
en popoloca del norte

3-129

3C

1974